



Uunga
Randi Vestergaard Evaldsen
Inatsisartunut ilaasortaq

Telefonikkut siunnersuisarfik Attavik pillugu § 37-tut apeqquteqaat 052/2017- mut allakkatigut akissuteqaat

09-02-2017
Sags nr. 2017 - 2986
Akt nr. 4518506

Asasara Randi

Telefonikkut siunnersuisarfik Attavik pillugu Inatsisartut suleriaasianni § 37 naapertorlugu apeqquteqaatigisannut qujanaq. Apeqqutigisatit ataani akissuteqarfigissavakka.

Postboks 1160
Tlf: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1. Naalakkersuisut nassuerutiginerlugu maannakkut imminut toquttarneq pillugu pinaveersaartitsineq iluaqutaasimangitsoq aamma Naalakkersuisut tamatuma kinguneranik pilersaarummik nutarterinissartik suliarissamaarnerlugu?

Akissut:

Nuna tamakkerlugu imminut toquttarneq pillugu periusissiaqarnissarput (NTIP) pingaaruteqarluinnarpoq. Periusissiamik atuutsitsiniarneq sulii ingerlanneqarpoq, taamaattumillu sulii periusissiaq nalilersorneqanngilaq. Pingaartuuvoq ilisimaarissallugu Canadami Inuit Nunallu Avannarliit akimorlugit Saamit periusissiaatta pissuseqataanik periusissionnissamik isumassarsitissimagatsigit. Taamaalilluni Canada maannakkut 'Nuna Tamakkerlugu Inuit Imminut toquttarnerannik pitsaaliuinnermut periusissiaq'-mik peqalersimavoq, Saamillu Inatsisartuisa nalunaarutigisimavaat 2017-imi maajip qaammataani pan-samisk imminut toquttarnerup pitsaaliorneqarnissaanut periusissiaq saqqummiunneqassasoq.

Nassuerutigisariaqarparput anguniakkat anguniarneri piffissamik sivisuumik atuiffiusarmat, taamaattumillu periusissiap suliniuteqarfigisallu attuumassutilimmik iliuuseqarfigiuarnissaat naleqquttuuvoq. Suliniuteqarfigisassat nukippassuit piffissarlu annertoq atorlugit minnerunngitsumillu susassaqrifiit akimorlugit suleqatigiinnikkut aallartissarneqartarput. Taamaattumik qaqugu kikkut qanorlu iliuuseqassanersut nalunnginniassagatsigu ilaatigut susassaqrifiit akimorlugit suleqatigiinneq soorlu assersuutigalugu imminut toquttoqartillugu, imminut toqoriaraluartoqartillugu imminullu toqunniarlutik siorasaarisoqartillugu iliuuseqarasuurtussat ukkatarisimavavut.

2. Naalakkersuisut isumaat naapertorlugu iluarisimaarneqarnerluni oqarasuaatikut siunnersuisarfiup Attavik 146 -p ("Imminut toquttarneq pinaveersimatinniarlugu sianerfigineqarsinnaasoq) ullup unnuallu ingerlanerani taamaallaat akunnerni marlunni ammasarnera aamma suna

pissutaava Naalackersuisut ammasarnerup sivitsornissaanut iliuseqarsimanginnerannut?

Akissut:

Suleqatigiissitaliortoqarsimavoq telefonikkut siunnersuisarfinnik aaqqissuusseqqinnissamik misissuisussanik matumani siunertarineqarluni sullitanut iluaqutaasussamik ingerlatsinikkut pitsaaqutinik nukiillu ataatsimut kattunerisigut soorlu allaffeqarfii, ilisimasanik avitseqateqartarnermik, siunnersueqatigiittarnermik il. il. pilersitsinissaq.

Matumani pineqarput telefonikkut siunnersuisarfiit makku: Imminut toquttarneq pillugu telefoni ATTAVIK146, Kinguaassiutitigut innarlerneqarsimanermik kingunerlutsitsilluni innarlerneqarnermut 141, Persuttaasarneq pillugu telefoni (pilersaarusiormi), Meeqqat oqarasuaataat 134, ilaqtariinnut telefoni 314151, SMS 1899.

Suleqatigiissitamit siunnersuutigineqarpoq ammasarfik sapaatip-akunnerata ulluini tamani 16.00-miit 22.00-mut sivitsorneqassasoq. Tamannali sulii akuerineqanngilaq, isumalluutinillu atuinissaq sulii annertunerulertussaalluni.

NTITP-mut naleqquttumik Naalackersuisoqarfimmit sammisamat suliaqarnermi tunngaviatigut aallaavigneqarpoq sapinngisamik siusissukkut imminut toquttarneq pitsaaliussagippit. Taamaattumik isumaqarpugut qanittumik atassuteqartarnerit pitsaaliuinnermik suliaqarnermi pingaaruteqarluinnartuusut. Tassami inuit qaninnerpaat tassaapput inuttut nakkaqqatilluni maluginneqqaartarlutillu arlaannik oqimaatsumik oqaloqateqarnissamik pisariaqartitsinermi oqaloqatiginninnissamik periarfissallit. Tamanna tunngavilersorniarlugu 2005-imiit 2010-mut innuttaasut peqqissusaannik misissuititsinermi takutinneqarpoq imminut toqunnissamik eqqarsaateqarnermi oqaloqateqarnermi oqaloqatigisat tassaasartut ikinngutit ilaqtallu. Tassami inuit pingasuugaangata ataaseq taamaaliortarsimavoq.

Taamaattumik 2017-imi marsimi apriliimilu imminut toquttarnermik pitsaaliuineq pillugu pikkorissaasoqassaaq matumani najukkani nukissat annertusarneqarnissaat tunngavigneqarlunilu siunertarineqartarluni. Soorunami aamma assut pingaaruteqarpoq suliaqarnissamik pikkorissunik pisarialimmik ikiorsinnaasunik peqarnissarput. Kisiannili aamma assinganik pingaaruteqarluinnarpoq uagut inooqataasut qanittumik attaveqatigiinnermi immitsinnut tasiornissatsinnut sapiissuseqarnerulernissarput.

3. Naalackersuisut imminut toquttarnerup pinaveersaartinnissaanut nutaanik isumassarsinikuunerlutik?

Akissut:

Imminut toquttarneq pitsaliorneqassaaq najukkani nukiit pigineqareersut aallaavigalugit. Pitsaaliuineq najukkani piginnaasallit isumalluutigalugit ingerlanneqassaaq. Naammanngilaq taamaallaat suliaqarnissamik paasisimasallit kisimik suliaqarfik pillugu ilisimasaqarnerulissappata. Immitsinnut ikiorsinnaasariaqarpugut ilaqtariittut, ikinngutigiittut, suleqatitut sanilitullu il. il. Annertooujussuuvoq pitsaaliuinnermi inuiaqatigiit tamakkerlugit ilanngunneqarnissaat, kisiannili tassa inuit qaninnerpaat tassaapput allanngueqataasinnaasut. Soorlu qulaani taaneqareersut imminut toquttarneq pillugu pitsaaliuinnermut pikkorissaasoqartussaavoq qaninnerpaatut attaveqatigiittarneq aammalu najukkani nukiit aallaavigalugit ingerlanneqartussamik.

Inussiarnersumik inuulluaqqusillunga


Agathe Fontain
Peqqissutsimut Naalackersuisoq